



15. marts 2024

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

**Naalakkersuisunut apeqqutit:**

- 1. Air Greenland A/S ilaaffigalugu angalagaanni kinguaattoornermi, qanoq ilinikkut aningaasanngorlugu taarsiiffigitissinnaaneq atuutsilertarpa?**
- 2. Nunaqarfinniit nunaqarfinnut angalagaanni kinguaattoornerlu pissutigalugu utimut aallanngitsooraanni, illoqarfinnut angalaneq assigalugu unnuiffissaq nerisaqarnerlu Air Greenland A/S-mit isumagineqartarpa?**
- 3. Nunani allani kinguaattoortoqartillugu nalunaaquttap akunneri arlallit qaangiukkaangata taarsiiffigitissinnaaneq piulersarpoq. Tamanna nunatsinni sooq atuutsinngila?**
- 4. Teknikimik pissuteqartumik Uummannami Upernavimmilu angallassinngitsoortarnerit 2023-mi qanoq amerlatigaat?**
- 5. Immikkut qulimiguulimmik sillimmataasussamik Uummannami Upernavimmilu inissiiinissaq pilersaarutigineqarpa?**

*(Inatsisartunut ilaasortaq Jens Kristian Therkelsen, Siumut)*

**Tungavilersuut:**

Ullutsinni ajorluartumik timmisartukkut angallanneq kinguaattoorfiusorujussuuvoq, tamanna ilaasussanut annertuumik attuisarpoq periarfissallu assigiinngimmata sumi aallariartorneq pissutaalluni atugassarititaasut assigiinngittartut malunnartarpoq.

Qulimiguullit ilanngullutik piffissami kingullermi annertuumik teknikikkut ajoquteqaqattaartut tusarsaapput. Tamanna soorunami angalasussanut equinerluttaqaaq, tassami suna tamarmi akeqarlunilu piffissaq naleqarmat.

Angalasussat ajorluartumik teknikikkut silamillu pissuteqartumik kinguaattoortarnerat annertuutut isikkoqarmat pissutaasut sammivilerniarlugit apeqquteqarpunga, aamma ilaasussat angalanissamik pilersaarusiortarnerat kipisoortarmat arlaannik equisoqartillugu.

Apeqquteqarninni soorunami siunertaanngilaq sillimaniarnerup ullumikkut isikkuata allanngortinnissaa pigiga, taannami apeqqusinngilluinnarpara.

Apeqqutigineqartut ullut suliffiusut qulit iluanni akeqquneqarput.